

ბიზნესის განწყობის ინდექსი

3.6

გაიზარდა

ბიზნესის განწყობა
უარყოფითი ნიშნულზე
ნარჩუნდება

II კვ 2025

კვლევაში მონაწილე კომპანიები

მსხვილი

მცირე და საშუალო




21



87

კვლევის ძირითადი შედეგები




ბიზნესის განწყობის ინდექსი ბიზნესის მოლოდინების ინდექსი მიმდინარე მდგომარეობის ინდექსი
გასაყიდი ფასების მოლოდინები

- 2025 წლის II კვარტლისთვის ბიზნესის განწყობის ინდექსი (BCI) 3.6 პუნქტით გაიზარდა და -1.3-ს გაუტოლდა. ბიზნესის განწყობის ყველაზე დიდი გაუმჯობესება მრეწველობის (+10.0) სექტორში დაფიქსირდა. BCI-ის დადებითი ცვლილება ოპტიმისტურმა მოლოდინებმა და ასევე მცირედით გაუმჯობესებულმა მიმდინარე მდგომარეობამ განაპირობა.
- მიმდინარე მდგომარეობის ინდექსი, რომელიც კომპანიების მიერ გასული კვარტლის განმავლობაში საკუთარი ეკონომიკური მდგომარეობის შეფასებას ეყრდნობა, 2025 წლის I კვარტალთან შედარებით მცირედით, 2.5 პუნქტით გაიზარდა და 2025 წლის II კვარტლისთვის -16.0-ს გაუტოლდა. მიმდინარე მდგომარეობის ყველაზე დიდი გაუმჯობესება მრეწველობის (+31.7) და სოფლის მეურნეობის (+12.5) სექტორებში დაფიქსირდა.
- ბიზნესის მოლოდინების ინდექსი, რომელიც გვიჩვენებს, რამდენად ოპტიმისტურად არის განწყობილი ბიზნეს სექტორი მომავლის მიმართ, 12.1 პუნქტამდე გაიზარდა. 2025 წლის II კვარტლისთვის მოლოდინების საგრძნობი გაუმჯობესება დაფიქსირდა საფინანსო (+46.6), მრეწველობის (+25.0) და სოფლის მეურნეობის (+25.0) სექტორებში.
- გასაყიდი ფასების მოლოდინების ინდექსი 9.3-ით შემცირდა და 10.8 პუნქტი შეადგინა. ეს მაჩვენებელი გვიჩვენებს, რომ ბიზნესების წილი, რომელიც მომდევნო სამ თვეში ვარაუდობს ფასის მატებას საკუთარ პროდუქტზე, შემცირდა.

(*) ბიზნესის განწყობის ინდექსი იცვლება [-100; +100] სკალაზე. ინდექსის სიდიდე გვაჩვენებს გამოკითხული რესპონდენტების დადებითი და უარყოფითი პასუხების შეწონილ ბალანსს. თუკი გამოკითხული ბიზნესების 100% იქნება პოზიტიურად განწყობილი, მაშინ ინდექსი გაუტოლდება 100-ს. -100 ნიშნავს, რომ ყველა გამოკითხული ბიზნესი უარყოფითად არის განწყობილი. თუ განწყობის ინდექსი გაუტოლდება 0-ს, ნიშნავს, რომ დადებითად და უარყოფითად/ნეიტრალურად განწყობილი ბიზნესების განაწილება თანაბარია (მეტი ინფორმაციისათვის იხილეთ მეთოდოლოგიური შენიშვნები).

ბიზნესის განწყობის ინდექსი

ბიზნესის განწყობის ინდექსი სექტორების მიხედვით



სექტორი	კვ II/25	ცვლილება
მრეწველობა	10.0	▲ 10.0
მშენებლობა	-16.0	▼ -8.3
ვაჭრობა	9.3	▲ 7.5
მომსახურება	-4.5	▲ 6.9
სოფლის მეურნეობა	-17.5	▲ 5.8
საფინანსო სექტორი	25.0	▼ -1.4
სხვა	-20.0	▼ -8.9

2025 წლის II კვარტლისთვის, მსხვილი ბიზნესებისთვის მთავარ გამოწვევას კვალიფიციური სამუშაო ძალის სიმცირე და ფინანსებზე ხელმისაწვდომობა წარმოადგენს. რაც შეეხება მცირე და საშუალო ზომის კომპანიებს, მათთვის საქმიანობის მთავარი შემზღუდველი ფაქტორები ფინანსებზე ხელმისაწვდომობა და მოთხოვნის სიმცირეა.

ბიზნეს საქმიანობის შემზღუდველი ფაქტორები II კვარტალი, 2025 წელი

